



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዋዜማ

ሃሌ ሉያ መስቀልከ እግዚአ ሐፀር ወጥቅም
መሠረተ ቤተ ክርስቲያን። ጽንዕነ በዛነ ለእለ
አመነ ሞገሶሙ ለጸድቃን መስቀል ኮነ በዛ
ብዙኃን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ምልጣን

ጽንዕነት ቤዛነት ለእለ አመነ ፤ ሞገሶሙ ለጸድቃን
መስቀል ኮነ ቤዛ ብዙኃን ፤ መስቀል ኮነ ቤዛ
ብዙኃን።

አመላለስ

መስቀል ኮነ ቤዛ ብዙኃን። (፩)





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



በ፩ ለእግዚአብሔር

ዮም መስቀል ተሰብሐ ለአኃው (ለጸድቃን) አብርሃ
ዮም መስቀል ተሰብሐ።

እግዚአብሔር ነግሠ

ጼና አልባሲሁ ለአባ መባዓ ጽዮን ከመ ጼና ሰጊን፤
አልባሲሁ ዘሜላት ዘወረደ ውስተ ገነት ከመ ይርአይ
ሥነ ጽጌያት።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ይትባረክ

መቀል ረድኤት ወሐይወት ፤ መስቀል አንቅፅተ
ለጽሙዓን ፤ ልብስ ለዕሩቃን ፤ መስቀል አብርሃ
ለጸድቃን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሠለሰት

ስምዓኒ እግዚአ ጸሎትየ ሃሌ ሉያ ሃሌ ሉያ ሃሌ ሉያ
ወይብዳሕ ቅድሚክ ገዓርየ ሃሌ ሉያ ሃሌ ሉያ ሃሌ ሉያ
ወኢትሚጥ ገጸክ እምኔየ። በዕለተ ምንዳቤየ አፅምእ
እዝነክ ኀቤየ አመ ዕለተ እጼውዓክ ፍጡነ ስምዓኒ
ለዓለም ወለዓለም።

ጼና አልባሲሁ ለአባ መባዓ ጽዮን ከመ ጼና ስኂን
ዘውስተ ገነት ጥዑም ጼናሆሙ ለጸድቃን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም

ሃሌ ሉያ ሃሌ ሉያ ብእሲ ኄር ወመምህር ወፈራሄ
እግዚአብሔር አባ ጸሊ በእንቲአነ ሰላም ፤ ጸሊ
ለነገሥት ወለበሐውርት።

አመላለስ

ሰላም ጸሊ ሰላም ጸሊ
ለነገሥት ወለበሐውርት ለነገሥት ወለበሐውርት።



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ማኅሌት



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሚካኤል ሊቀ መላእክት ሰክል በእንቲኦነ፤
ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን፤

ሰባሕያን ወመዘምራን፤

ሰክሉ በእንቲኦነ፤

፳ወ፬ቱ ካህናተ ሰማይኒ አእርጉ ጸሎተነ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ነቢያት ወሐዋርያት ፣ ጸድቃን ወሰማዕት፣
ሰአሉ በእንቲአነ፤
ምስሌክሙ ከመ ይክፍለነ፤
መክፈልተ ወርሱተ ለኹልነ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ማኅበረ ቅዱሳን ወሰማዕት ሰክሊ በእንቲክነ፤
መላእክተ ሰማይኒ አእርጉ ጸሎተነ።
ማርያም እግዝእትነ፤
ወላዲተ አምላክ ሰክሊ በእንቲክነ፤
እስመ ረከብኪ ሞገሰ በኅበ እግዚአብሔር።
ረከብኪ ሞገሰ መንፈሰ ቅዱሰ ወኃይለ ሰክሊ
አስተምሕሪ ለነ ማርያም ወልድኪ ሣህሎ ይክፍለነ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ኅብ ተርኅወ ገነት ወኅብ ተነፅፈ ዕረፍት
ይክፍለኅ ነህሉ ውስተ በዓቶሙ ለቅዱሳን።
(፫ ጊዜ)

<<<< ጸሎት >>>>





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መሪና ተመሪ

ስምዓኒ እግዚአ ጸሎትየ ሃሌ ሉያ ሃሌ ሉያ
ወይብዳሕ ቅድሚክ ገዓርየ ሃሌ ሉያ ሃሌ ሉያ
ወኢትሚጥ ገደክ እምኔየ።

አንሺ

ስምዓኒ እግዚአ ጸሎትየ ሃሌ ሉያ ሃሌ ሉያ
ወይብዳሕ ቅድሚክ ገዓርየ ሃሌ ሉያ ሃሌ ሉያ
ወኢትሚጥ ገደክ እምኔየ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ተመሪ

በዕለተ ምንዳቤየ አፅምእ እዝነከ ኀቤየ
ሃሌ ሉያ ሃሌ ሉያ አመ ዕለተ እጼውዓከ ፍጡነ
ስምዓኒ ሃሌ ሉያ ሃሌ ሉያ

በኅብረት

ለዓለም ወለዓለም።
ሃሌ ሉያ ዘውእቱ ብሂል፤
ንወድሶ ለዘሀሎ እግዚአብሔር ልዑል፤
ስቡሕ ወውዱስ ዘሣረረ ዙሎ ዓለመ በአሐቲ ቃል።



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብዳሕ ቅድሚክ ገዓርህ ሃሌ ሉያ ሃሌ ሉያ
ወኢትሚጥ ገጸክ እምኔህ።
በዕለተ ምንዳቤህ አፅምኝ እዝነክ ኀቤህ ሃሌ ሉያ ሃሌ ሉያ
አመ ዕለተ እጼውዓክ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።
ሁለተኛ ማንኛ ሃሌ ሉያ ዘውእቱ ብሂል፤
ንወድሶ ለዘሀሎ እግዚአብሔር ልዑል፤
የመጀመሪያ ማንኛ
ስቡሕ ወውዱስ ዘሣረረ ኩሎ ዓለመ በአሐቲ ቃል።



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪያ፤

እንዘ እብል ከመዝ ጸወንየ ወኰኩሐያ፤

ወታድኅነኒ ሊተ እምጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሕይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪየ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሚካኤል መልአክ ሰአል ወጸሊ በእንቲአነ፤
ወበእንተ ነፍሰ ኹልነ ፤ መልአኪያ ይበሉ፤
እመላእክት ሠምሮ መልአክ ኪዳኑ ለክርስቶስ።

ሰላም ለክመ. ማኅበረ መላእክት ትጉሃን
ሰላም ለክመ. ማኅበረ ነቢያት ቅዱሳን
ሰላም ለክመ. ማኅበረ ሐዋርያት ፍንዋን
ሰላም ለክመ. ማኅበረ ሰማዕት ወጸድቃን
ሰላም ለክመ. ማኅበረ ሥላሴ ጉቡኣን
ወሰላም ለማርያም ዘእሳት ክዳን።



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ማኅበረ መላእክት ወሰብኦ ተአይነ ክርስቶስ ወኒሙ፤
ሰላም ለከሙ ሶበ እከሰት አፋየ ለውዳሴከሙ፤
ፍሬ ማኅሌት እምልሳንየ ትቅስሙ፤
ምስሌየ ሀልዉ ወምስሌየ ቁሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘአካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኹር ኹሉ፤

ጽሑፋኑ መልክእ ወስም በሰማይ ዘላዕሉ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጸድቃን ሰላም።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለአብ ዘእምቅድመ ዓለም ነጋሢ፤
ለወልድ ሰላም ሥጋ ማርያም ለባሲ፤
ወለመንፈስ ቅዱስ ሰላም ኃጢአተ ዓለም ደምሳሲ
ኃይልየ ሥላሴ ወደወንየ ሥላሴ፤
በስመ ሥላሴ እቀጠቅጥ ከይሴ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክኦ ሥላሴ

ሰላም ለኵልያተክሙ እለ ዕሩያን በአካል፤
ዓለመክሙ ሥላሴ አመ ሐወፀ ለሣሕል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበቀራንዮ ተተክለ መድኃኒት መስቀል።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ዝኬ ዘተዘርዓ ቃለ ጽድቅ በትውክልተ መስቀል።
ወፍሬሁኒ ኮነ መንፈሰ ሕይወት ተስፋሆሙ ለእለ
ድኅነ ወበጽጌሁ ኦርኦየ ገሃደ ኦምኅለ ልብሰተ
መለኮት ዕቅረ ማየ ልብን ጽጌ ወይን ተስፋሆሙ
ለጸድቃን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለክሙ ሚካኤል ወገብርኤል፤

ሱራፌል ወኪሩቤል፤

ዑራኤል ወሩፋኤል ፤ ሱርያል ወፋኑኤል፤

አፍኒን ወራጉኤል ወሳቁኤል

ወሰላም ለቅዳሴክሙ፤

ትጉሃነ ሰማይ ዝክሩነ በጸሎትክሙ፡፡





ሰላም ለክሙ ሚካኤል ወገብርኤል
 ሱራፌል ወኪሩቤል ፤
 ዑራኤል ወሩፋኤል፤ ሱርያል ወፋኑኤል፤
 አፍኒን ወራጉኤል ወሳቁኤል፤
 ሊቃናተ ነድ ፤ ዘሰማያዊት ማኅፈድ፤
 በእንተ በግዑ ዕቀብዋ ለዛቲ ዓፀድ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለክሙ ሚካኤል ወገብርኤል፤
ሱራፌል ወኪሩቤል፤
ዑራኤል ወሩፋኤል፤ ሱርያል ወፋኑኤል፤
አፍኒን ወራጉኤል ወሳቁኤል።
ወሰላም ለከናፍሪክሙ፤
ከመ ትዕቀቡን ተማኅፀን ለክርስቶስ በደሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሚካኤል ወገብርኤል ሱራፌል ወኪሩቤል
እለ ትሴብሕዎ

መላእክተ ሰማይ ሰአሉ ለነ አስተምሕሩ ለነ
ቅድመ መንበሩ ለእግዚእን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርእሰነ ከልል።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲኦትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፅንዕ ኑኃ ወግድማ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለሚካኤል ዘነድ ሠራት፤

ይትከሃን ወትረ በበምስዋዒሁ፤

እምቅዱሳን አሐዱ እምእለ ይተግሁ፤

ሐዋዝ በእርያም መኃልይሁ፤

ነጐድጓደ ሰብሐት ግሩም ይደምፅ ጉህናሁ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ነግሥ

አ ማርያም መንከር ልደትኪ ፤
ወጸፁብ ግብርኪ ፤ አምደ እሳት ፆርኪ ፤
ወልድኪ መድኃኔ ዓለም ዲበ እፅ ተቀነወ፤
ወዘተዔወወ ሕዝበ በደሙ ቤዘወ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ሃሌ ሃሌ ሉያ ሃሌ ሉያ
ተንሥኢ ተንሥኢ ወንዒ ቅርብተ ዚአየ
ዘበእንቲአኪ ተረግዘ ገቦየ።

ወረብ

ሃሌ ሃሌ ሉያ ሃሌ ሉያ ሃሌ ሃሌ ሉያ ሃሌ ሉያ
ተንሥኢ ወንዒ ቅርብተ ዚአየ ዘበእንቲአኪ
ተረግዘ ገቦየ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ንዌጥን ዝክረ ውዳሴሆሙ ለነቢያት ወሐዋርያት፤
ለጸድቃን ወሰማዕት፤
ለአእላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ንዌጥን ዝክረ ወደሶታ ለመንፈሳዊት ርግብ፤

ዘመና ልሁብ፤

እምከናፍሪሃ ይውኅዝ ሐሊብ፤

ተፀውረ በማኅፀና እሳት ዘኮሬብ፤

ወያውዓያ ነድ ወላህብ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ማኅፀንኪ እግዝእትየ ማርያም ይከብር ምስብዒተ፤
እምጽርሐ እርያም ዘላዕሉ ወእምኪሩቤል ትርብዕተ፤
፱ተ አውራኃ ወሐምስተ ዕለተ፤
ፆረ ዘኢይፀወር መለኮተ፤
አግመረ ዘኢይትገመር እሳተ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ላይ ቤት በተቆመ ጊዜ የሚባል

ይትባረክ ሰምኪ ማርያም ዘአውጸእክነ እምጸድፍ፤
በርኅራኄኪ ትሩፍ፤
ይሴብሐኪ ኪሩቤል በዘኢያረምም አፍ፤
ሐራ ሰማይ ትጉሃን እጉዛነ ሰይፍ፤
ኅላቋሆሙ አእላፍ፤
አምሳለ ደመና ይኬልሉኪ በክንፍ።

- ❖ ቀጥለህ ገጽ 38 ያለውን “ለዝክረ ሰምኪ ዘመንክር ጣዕሙ” ን በል።
- ❖ ታች ቤት ከተቆመ ወደሚቀጥለው ገጽ እለፍ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



በታች ቤት ይኸንን በል

ምንተ አክሰዮ ለእግዚአብሔር አሐተ፤
በእንተ ኩሉ ዘገብረ ሊተ፤
ርሰዱኒ እመ አስምሮ ግብተ፤
ማርያም እግዝእትዮ ዘሚጥኪ እሳተ፤
ድኅረ በጽሐ ልሣኑ ዘለኪ ቤተ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰየ በኪዳንኪ ውኩፍ፤

ኢይትጎፈር ቅድመ ወልድኪ ወመላእክቲሁ አእላፍ፤

አመ ሥርወ ልሳን ይትገዘም ወይትሐተም አፍ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ሰላም ለዝክረ ስምኪ ዘመንክር ጣዕመ፤
ለወልድኪ አምሳለ ደመ፤
መሠረተ ሕይወት ማርያም ወጥንተ መድኅኒት
ዘእምቀዲመ፤
ኪያኪ ሠናይተ ዘፈጠረ ለቤዛ ዓለመ፤
እግዚአብሔር ይትባረክ ወይትአኩት ስመ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ሰቆቃወ ድንግል

እስከ ማዕዘኑ እግዝእትየ ውስተ ምድረ ነኪር ትሄልዊ
ሀገረኪ ናሁ ገሊላ እትዊ።

ለወልድኪ ሕፃን ዘሰሙ ናዝራዊ።

ለክብረ ቅዱሳን በከመ ይቤ ያዝያን ዜናዊ።

እምግብፅ ይጼውያ አቡሁ ራማዊ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ወረብ

ናሁ ሀገረኪ ገሊላ ዕትዊ ፤ እግዝእትየ እስከ
ማዕዘኑ ትሄልዊ ውስተ ምድረ ነኪር፤

እምግብፅ ይጼውያ አቡሁ ራማዊ ለክብረ ቅዱሳን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት




ዚቅ

አንቀጸ ክብሮሙ ለቅዱሳን ሰአሊ ለነ ማርያም
እሙ ለመድኃኑ።

ዓዲ ዚቅ

“ማርያምስ ተሐቱ.....”

በሚቀጥለው ገጽ ተመልከት።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዓዲ - ዚቅ

ማርያምስ ተሐቱ እምትካት ውስተ ከርሡ ለአዳም
ከመ ባሕርይ ጸዓዳ ፤ እስመ በእንቲአሃ ወበእንተ
አዝማዲሃ ተሰቀልኩ ዲበ ዕፅ ይቤ ፤ ከመ
አድኅኖሙ ፥ አዳምሃ ፥ አቤልሃ ፥ አብርሃም ፥
ይስሐቅሃ ወያዕቆብሃ ወባዕዳነ ዚአከ እለ ከማሆሙ
አቀቡ ሕግየ ከመ በላእሴሆሙ እሰባሕ እስከ
ለዓለመ ዓለም።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ማኅሌት ጽጌ

ከመ ሰዶም እምኮነ ፤ ወከመ ገሞራ እመሰልነ።

እግዚአብሔር ኪያኪ እመ ኢያትረፈ ለነ።

በትረ ተአምር ማርያም እንተ ጸገይኪ መድኅነ።

ዘይቤ ኢመጻእኩ እጸውዕ ጸድቃነ።

አላ ለንሥሐ ኃጥአነ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ወረብ

እግዚአብሔር ኪያኪ እመ ኢያትረፈ እም ኮነ ከመ
ሰዶም እምኮነ፤

ዘይቤ ኢመዳእኩ እዳውዕ ዳድቃነ አላ ኃጥአነ
ለንሥሐ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

እስመ ለነ ለኃጥኣን ለእመ መሐርከነ ውኃተ አሚረ
ትሰመይ መሐሪ ወለጸድቃንሰ እምግባሮሙ
ትሜሕሮሙ ወትዔሥዮሙ በከመ ጽድቆሙ።

ዓዲ ዚቅ

በትረ አሮን እንተ ሰረጸት ወባቲ ይገብሩ ተአምረ
ወመንከረ በውሰተ አህዛብ እስመ አርኣያ መስቀል
ይእቲ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዓዲ - ማኅሌት ጽጌ

አድኅንኒ በተአምርኪ ዳግመ ኢያሰቆቁ።

ሰቆቃወ ዚአኪ ድንግል ይበቀላኝ በሕቁ።

እስመ አንቲ ወትረ መድኃኒት አዳም ወደቂቁ።

ኅልዬ ኃጥአነ እስከ አድኃነ በጽድቁ።

ከመ በጽጌኪ ንጉሥ ተሰቅለ ዕራቁ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ወረብ

አድኅንኒ ኢያሰቆቁ በተአምርኪ አድኅንኒ

በተአምርኪ ወላዲተ ቃል፤

እስመ አንቲ ወትረ መድኃኒተ አዳም ወደቂቁ

በተአምርኪ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

አዘክሪ ድንግል ለወልድኪ ዕርቃኖ።

እስመ ሰለብዎ አይሁድ ክዳኖ።

ለአማውተ ከርሥኪ ነበልባለ ኀዘን ዘአርሰኖ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክክ መድኃኔ ዓለም

ሰላም ለዝክረ ስምክ ዘኢረከቡ ተፍጻሜተ፤
መላእክተ ሰማይ ወምድር እለ ለመዱ ስብሐተ፤
መድኃኔ ዓለም ተወከፍ እንተ አቅረብኩ ንስቲተ፤
ዘሰተይክ በእንቲኣነ ከርቤ ወሐሞተ፤
በሞተ ዚኣክ ከመ ትቅትል ሞተ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት

ዚቅ

ዘሰማዕኮ ጸሎቶ ወስኔለቶ ለመብዓ ጽዮን ተወከፍ
ጸሎተኝ ሰላመክ ሀብኝ እማኔከሌኝ ኢትርሃቅ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክኦ መድኃኔ ዓለም

ሰላም ለመትክፍቲክ እለ ፆራ መስቀለ፤
ወለዘባንክ ክቡር በዘባነ ኪሩብ ዘተልዕለ
መድኃኔ ዓለም ክርስቶስ ዘኢተአምር በቀለ፤
ተማኅፀንኩ በጻድቃኒክ እለ ወሀብኩሙ ቃለ፤
ዘጸውዓ ስመክሙ እምሕር ብሂለ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ሃሌ ሉያ ሃሌ ሉያ ሃሌ ሉያ። በአማን ቃልከ

አዳም። ዘተሰቀልከ በእንተ ኃጥአን።

በአማን ቃልከ አዳም። ከመ ትቤዙ ነፍሰ ጸድቃን።

በአማን ቃልከ አዳም። በአማን ቃልከ አዳም ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ወረብ

ሃሌ ሉያ በአማን አዳም ቃልከ አዳም፤

ዘተሰቀልከ በእንተ ኃጥኡን መድኃኔ ዓለም።

ሸብሻቦ

ሃሌ ሉያ ቃልከ አዳም ሃሌ ሉያ ቃልከ አዳም፤

መድኃኔ ዓለም መድኃኔ ዓለም በአማን ቃልከ አዳም።





መልክኦ መስቀል

ስላም ለዝክረ ስምክ በመጽሐተ መስቀል ዘተለክዓ፤
ወለሰጸርትክ ጸሊም ዘደመ ተኩርዖ ተቀብዐ፤
ሰዋሰወ ፍቅር ክርስቶስ ትኩል ዲበ እንግዳዳ፤
ኦስትየኒ ለተሳትፎ እንተ ሰተይክ ጽዋዐ፤
መዋዕየ ፍቅርክ አምላካዊ ኅሊናየ ጸምዐ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ሃሌ ሉያ ኢይሰቲ ወይነ ወሚሰ ኩነንዎ አልቦ ዘክበሰ
፤ የርዳኖስ ዘቀደሰ አስተይዎ ብኒዐ ዘምስለ ሐሞት
ለዘቀደሰ ለተክለ ማርያም።

ወረብ

ኢይሰቲ ወይነ ወሚሰ የርዳኖስ ዘቀደሰ፤
አስተይዎ ብኒዐ ዘምስለ ሐሞት ለዘቀደሰ ለተክለ
ማርያም።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክክ መስቀል

ሰላም ለርእሰክ ሥርግወ አክሊል ዘሦክ፤
ወዕጉሰ ምራቅ ገጽከ እምሐራ ጳጳሳዊ መልክክ፤
ኢየሱስ ክርስቶስ ተወካፊ ሰቅለት አምላክ፤
እንበለ ደምክ ወመስቀልክ ቡሩክ፤
አልብየ ምክሕ እምዘመድ ወዓርክ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

እስመ ውጊቱ ክብሮሙ ለቅዱሳን። መድኃኒቶሙ
ለጻድቃን። አሠርገዋ ለምድር በጽጌ ሮማን ስብሐተ
ዋሕድ ዘምስለ ምሕረት በመስቀሉ ወበቃሉ
አዕበዮሙ ለአበዊን።

አመላለስ

በመስቀሉ ወበቃሉ፤
አዕበዮሙ ለአበዊን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክኦ መስቀል

ሰላም ለአዕናፊክ መጼነወ ሰፍነግ ኅሩም፤
ወለከናፍሪክ ዕፅዋት በማዕዞ መስቀል ዘክቅም፤
ለሰቴ ጽዋዕክ ክርስቶስ እንተ አፀርዎ በሮም፤
ብዙኃን እለ ሐፀቡ አልባሲሆሙ በደም፤
ወቦ እለ ተቀትሉ በኩናት ጸሊም።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ገዱ ብሩህ እምፀሐይ ፤
ወእምኩሉ ሥነ ሠርጐ ሰማይ፤
ለመብዓ ጽዮን ኅሩይ፤
ዘተወልደ እመንፈስ ቅዱስ ወማይ፤
አልባሲሁ በደመ በግዕ ዘሐፀበ፤
ወእምሠረቅት መርዔቶ ዐቀበ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ወረብ

ገዱ ብሩህ ከመ ፀሐይ ፤ ከመ ፀሐይ መብዓ ጽዮን
አልባሲሁ ዘሐፀበ በደመ በግዕ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



መልክኦ መስቀል

ሰላም ለግንዘተ ሥጋክ በአፈወ ዕፍረት መዓዛ፤
ወለጎልጎታ ዝኅርክ ዘትሰመይ ገነተ ያዛ፤
በግዑ መድኃኒት ክርስቶስ ዘተሰቀልክ ቅሩብ ሎዛ፤
ኢተሰማ ከመ ከማከ ህይንተ አጽራር ቤዛ፤
ኩነኔ መስቀል ዘይፀውር መዋዒ ወሬዛ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዚቅ

ነፍሳተ ጸድቃን አውያን አመ ይሁቡ መዓዛ ፤

ለዘምግባረ ጽድቅ አልብነ ይኩነን ቤዛ፤

ንግደትከ መድኃኒን እስከ ደብረ ቁስቋም እምሎዛ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



አንገርጋሪ

እስመ ውጊቱ ክብሮሙ ለቅዱሳን። መድኃኒቶሙ
ለጻድቃን። አሠርገዋ ለምድር በጽጌ ሮማን ስብሐተ
ዋሕድ ዘምስለ ምሕረት በመስቀሉ ወበቃሉ
አዕበዮሙ ለአበዊን።

ምልጣን

አሠርገዋ ለምድር በጽጌ ሮማን ስብሐተ ዋሕድ ዘምስለ
ምሕረት በመስቀሉ ወበቃሉ አዕበዮሙ ለአበዊን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



አመላለስ

በመስቀሉ ወበቃሉ፤
አዕበዮሙ ለአበዊን።

ወረብ

እስመ ውጊቱ ክብሮሙ ለቅዱሳን ፤ መድኃኒቶሙ
ለጸድቃን፤

አሠርገዋ ለምድር በጽጌ ሮማን በመስቀሉ ወበቃሉ
አሠርገዋ ለ.....።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



እስመ ለዓለም

እስመ አንተ ትክል አንጸሆትየ እግዚአ፤
ወበቃልክ እለ ለምፅ አንጻሕክ፤
ወበጽጌያት ምድረ አሠርጎክ፤
ወበመስቀልክ ለጻድቃን አብራህከ።

አመላለስ

ወበጽጌያት ምድረ አሠርጎክ፤
ወበመስቀልክ ለጻድቃን አብራህከ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



አቡን

ሃሌ ሉያ ተነበየ ወይቤ ቃልሰኬ ዘያዕቆብ ቃልሰኬ ዘያዕቆብ ቃለ
ወልድ ውጊቱ ዘተነግረ በይስሐቅ በደኃሪ መዋዕል ፤ እንዘ
ይብል ፀጉርሰኬ ዘኤሳው ዘውስተ እደዌሁ ለያዕቆብ ፤ እደ
አይሁድ ውጊቱ እለ አግብዕዎ ለሞት፤ ለወልደ እግዚአብሔር።
ባረኮ አቡሁ ለወልዱ ወይቤሎ ቅረበኒ ወልድየ ከመ ትንሣኤ
በረከትየ ፤ ካዕበ ባረኮ አቡሁ ለወልዱ ወይቤሎ ፤ ኩኖ እግዚአ
ለዕኩከ ፤ ወአጼነወ አልባሲሁ ከመ ጽጌ ገዳም ፤ አኮኑ ብዕለ
አሕዛብ ፤ እለ የአምኑ በክርቶስ እለ ለሀለዎሙ ይሰመዩ
ጸድቃን ወነቢያት ፤ ወአኃዊሁሰ ዘይቤ እሙንቱ ሐዋርያት
ኢተሐሰወ ቃለ ነቢይ ዘይቤ እሙኑ ኮነ።

ዓዲ - አቡን



የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ዓዲ - አቡን

ኃሌ ሉያ ሃሌ ሉያ ዝኬ ዘተዘርዓ ቃለ ጽድቅ
በትውክልተ መስቀል፤ ወፍሬሁኒ ኮነ መንፈሰ
ህይወት፤ ተስፋሆሙ ለእለ ድኅነቴ፤ ወበጽጌሁ አርዓየ
ገሃደ አምሳለ ልብሰተ መለኮት፤ ዕቅረ ማየ ልብን፤
ጽጌ ወይን ተስፋሆሙ ለጸድቃን።





የኢትዮጵያ ኦርቶዶክስ ተዋሕዶ ቤተ ክርስቲያን
የጥቅምት መድኃኔ ዓለም ዓመታዊ ክብረ በዓል ማኅሌት



ቅንዋት

ናርዶስ ወሀበ ማዓዛሁ

ከመ ይትፈሳሕ ኩሉ በጸጋሁ አውያን ጸገዩ ወሮማን
ፈረዩ ወልድ ዕኩየ አብርሃ ለጸድቃን።





የኢትዮጵያ ኦርቶዶክስ ተዋሕዶ ቤተ ክርስቲያን የጥቅምት መድኃኔ ዓለም ዓመታዊ ክብረ በዓል ማኅሌት

ምንጮች

- ❖ ዝክረ ቃል
- ❖ መጽሐፈ ሰዓታት ከነምልክቱ
- ❖ www.ethiopianorthodox.org
- ❖ የጌዶ ደ/ገ/ቅ/ማርያም፤ደ/ሰ/መድኃኔዓለም እና ደ/ኃ/ቅ/ገብርኤል ቤተ ክርስቲያን ሚዲያ (Facebook)
- ❖ https://medhanealem.se/sibahate_Egziabher
- ❖ የቀጭኔ ደብረ ሰላም መድኃኔ ዓለም ወ ደብረ ትጉሃን ቅዱስ ገብርኤል ቤተ ክርስቲያን (Facebook)

ምሥጋና

እርማት በመስጠት የረዱኝን በኮሎምበስ አሃድ ደብረ መድኃኒት መድኃኔ ዓለም ካህን ቄሲስ ሰረበ በርህን
አመሰግናለሁ።

<https://www.mytewahdo.org>

ጌታሁን ተሾመ

Getahun Teshome

(614)432-5844

bereded62@gmail.com

ጥቅምት ወር ፪ሺህ፻፯ ዓ.ም

October 2024

Columbus, Ohio USA

የቸሩ መድኃኔን ዓለም ቸርነት ይቅርታና ጥበቃ በሁላችንም ላይ ይደርብን። አነሣሥቶ ላስጀመረን ፤ አስጀምሮ
ላስፈጸመንክብርና ምስጋና ለአምላካችን ይሁን።

ለዘለዓለሙ አሜን።